



/O que faremos.../

Preinscrición novo curso.

O novo curso 2025-2026 contará coas seguintes actividades:

- **Acordeón:** clases para aprender a tocar o acordeón.
 - Horario: luns 17:30 a 19:00
- **Linguaxe musical:** Coñecer os elementos musicais necesarios para a lectura e interpretación musical.
 - Horario: luns 20:00 a 21:00
- **Informática básica:** clases para aprender a manexar ou mellorar as habilidades coas novas tecnoloxías.
 - Horario: luns 19:00 a 20:00 (darase na aula CEMIT da Biblioteca Pública Miguel González Garcés)
- **Talla de cristal:** clases para aprender a decorar cristais.
 - Horario: martes de 18:00 a 19:30
- **Improvisación ao teatro:** clases para aprender a desinhibirte mediante o humor, a colaboración e o positivismo
 - Horario: martes de 19:30 a 20:00
- **Teatro:** grupo representativo da Asociación, composto por actores e actrices amateur con ánimo de pasalo ben e deixar as vergoñas na casa facendo diferentes obras de teatro pola nosa xeografía.
 - Horario: martes 20:00 a 21:30
- **Pandeireta:** aprender a tocar este típico instrumento do noso folklore
 - Horario: mércores de 19:00 a 20:00
- **Patronaxe:** aprender a arranxar por ti mesmo a roupa e mesmo crear o teu propio vestuario.
 - Horario: xoves de 19:30 a 21:30
- **Guitarra:** clases para aprender a tocar a guitarra española.
 - Horario: venres de 16:00 a 19:00 (tres grupos diferentes de unha hora)
- **Bandurra:** clases para aprender a manexar este instrumento ao mesmo tempo que se aprende linguaxe musical.
 - Horario: venres de 18:00 a 19:00
- **Coro:** grupo representativo da Asociación, composto por coralistas que interpretan unha gran variedade de estilos musicais.
 - Horario: venres 19:00 a 20:30
- **Rondalla:** grupo representativo da Asociación, interpreta unha gran variedade de estilos musicais por medio de frautas, guitarras, bandurras, laúdes e percusión.
 - Horario: venres 20:30 a 22:00

Canto ás datas de inscrición, contaremos, por unha banda, cunha opción de inscrición telemática para a xente que xa é socia da entidade. Esta opción “online” será **desde o mércores 3 setembro ao xoves 4**, ambos inclusive. Poderedes contactar connosco a través de Whatsapp, Telegram (@ACTXD), teléfono móbil (611052456) ou correo electrónico (actanxedoira@tanxedoira.org). É importante que na vosa solicitude expoñades o voso nome, apelidos, actividades que son do voso interese e un teléfono de contacto.

Por outra banda, as persoas que aínda non son socias, poderán vir ao local o **venres 5** en horario de 18:00 h a 19:30 h e, dende o comezo do curso, no horario de atención ao socio. Todas aquelas persoas que aínda non sexan socias deberán cumprimentar a ficha de inscrición, facilitar unha foto tipo carné e un número de conta en que domiciliar a cota de socia/o (30€ anuais / núcleo familiar).

No caso das actividades como guitarra, patronaxe ou pandeireta, pode ser que por necesidades de aforo, haxa límite de persoas.

O **domingo 7 de setembro** publicárase na nosa web a listaxe de persoas admitidas. Esta listaxe poderase consultar tamén de xeito presencial no noso local. 📍

Limpeza do local.

Para termos ben limpo e decente o local para o comezo das actividades, precisamos da vosa axuda e colaboración.

Así, o **sábado 13 de setembro** desde as 10:30 ata ás 14:00 necesitamos de vós para virdes ao local e deixalo limpo (varrer, fregar, limpar po e cristais, ordenar o local).

Podedes escribir unha mensaxe ao teléfono da asociación para sabermos con cantos de vós contamos.

Despois, para o resto do ano, haberá un calendario de quendas de limpeza para cada unha das actividades. Lembra que a limpeza do local corre a cargo dos participantes das diferentes actividades.

Grazas pola axuda e colaboración. 

Tanxedoira.

Comezo das actividades.

As actividades darán comezo na semana do **luns 15 de setembro ao venres 19 de setembro** 

Tanxedoira.

Asemblea ordinaria e extraordinaria.

Leticia Riestra Ainsua, presidenta da Asociación Cultural Tanxedoira, coas atribucións e facultades descritas nos Estatutos da Asociación, convoca a todos/as os/as socios/as a Asemblea Xeral Ordinaria e Extraordinaria, que se celebrará o **mércores día 17 de setembro** ás 20:00 horas en primeira convocatoria e 20:30 horas en segunda, no local social da Asociación, sito na R/ Azahar 6-8, 1º Esquerda.

Coa seguinte orde do día:

1. Lectura e aprobación da acta anterior.
2. Lectura e aprobación das contas do curso 2024/2025.
3. Resumo das actividades feitas ao longo do curso 2024/2025.
4. Resumo das actividades a facer durante o curso 2025/2026.
5. Cambios nos estatutos e nas fichas de socios
6. Rogos e preguntas. 

Tanxedoira.

Comida “de traje” de principio de curso

O **sábado 4 de outubro ás 14:00** terá lugar a xa tradicional comida de inicio de curso, a nosa comida máis elegante, de gala, “de traje”: yo “traje” tortilla, yo “traje” ensaladilla...

Teredes no noso local unha listaxe para que vaiades anotando a vosa aportación. Só se precisan comida e sobremesas, xa que a bebida e o café corre por conta de Tanxedoira. Esperamos que vos animedes a vir e animedes a todos os novos socios que teñades nas vosas actividades, posto que é unha estupenda forma de nos coñecer. 

Tanxedoira.

Actuación en Cariño

O noso coro e a nosa rondalla actuarán o **sábado 18 de outubro** convidados pola rondalla de Cariño.

Iremos nun bus así que as prazas que queden libres despois de ser usadas polos integrantes de ambas agrupacións quedarán dispoñibles para os socios que queiran vir vernos actuar.

De estar interesados, contactar con algún membro da directiva. Esta viaxe terá un coste (aínda por determinar) para cubrir parte do gasto da viaxe no autobús. 

Tanxedoira.

Paso de cotas.

Na **primeira quincena de outubro** pasaremos a cota por banco, como ben sendo habitual.

Para todos aqueles socios e socias que se queiran dar de baixa, poden enviar un correo electrónico a actanxedoira@gmail.com indicando o seu nome, apelidos e dni indicando que se queren dar de baixa antes da devandita data.

Pedimos, por favor, que se faga antes do paso de cotas, porque no caso de devolución de recibos, a entidade ten que pagar 3 euros por cada devolución.

Grazas a todos pola vosa comprensión. 

Tanxedoira.

/ A destacar.../

Axenda

📅 Mércores 3 e Xoves 4 de setembro.

PREINSCRIPCIÓN TELEMÁTICA.- Para antigos socios

📅 Venres 5 de setembro / 18:00 – 19:30

PREINSCRIPCIÓN PRESENCIAL.- Para novos socios no local social.

📅 Sábado 13 de setembro

LIMPEZA LOCAL.- Limpeza do noso local social.

📅 Luns 15 de setembro

COMEZO DAS ACTIVIDADES.- comezo das actividades.

📅 Mércores 17 de setembro / 20:00.

ASEMBLEA XERAL ORDINARIA E EXTRAORDINARIA.- No local social (20:00 en primeira convocatoria e 20:30 en segunda).

📅 Principios de outubro

PASO DE COTAS.- Paso das cotas.

📅 Sábado 4 de outubro / 14:00.

COMIDA.- Comida “de traje” de inicio de curso no noso local social.

📅 Sábado 18 de outubro / todo o día.

CARIÑO.- Actuación do coro e a rondalla en Cariño.

📅 Sábado 20 de decembro / Pendente lugar e hora.

FESTIVAL DE NADAL.- Aínda por determinar localización e hora.

/ Non perdas.../ Lotería de Nadal.

Xa temos o noso número para este Nadal!



The graphic shows a lottery ticket for 'LA GRULLA' with the number 04278. It includes a list of past winners and the text '¿Y si cae aquí el sorteo de Navidad?'.

SORTEO QUE NOS UNE

¿Y si cae aquí el sorteo de Navidad?

04278

ADMÓN. 44 - A CORUÑA
Carrefour - Alfonso Molina
Tlf: 981 13 46 99
www.loteriaslagrulla.es

2021 4º PREMIO NAVIDAD
2020 5º PREMIO NAVIDAD
2019 5º PREMIO NAVIDAD
2018 2º PREMIO REYES
2016 1º PREMIO REYES
2011 5º PREMIO NAVIDAD

LA GRULLA
de LOTERIAS

De momento, podes compralo no posto de lotaría do Carrefour de Alfonso Molina.

En breves, terémolo no local para que o poidades comprar aquí.

Publicación
subvencionada pola
Deputación da Coruña.

